



Ilaqtariinnermut Peqqissutsimullu Ataatsimiititaliaq
/Inatsisartut

**UPA 2017/128 Atornerluinnermut inatsisissamut siunnersuummut ilassutitut
apeqquteqaat pillugu**

17-05-2017
Sags nr. 2017 - 9853
Akt nr. 5390972

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

AD 1. Siunnersuummi § 7-imut tunngatillugu Allorfiup siulersuisuisa katitigaanerinit atatillugu siunnersuummi § 7 imm. 2 itisilerneqarnissaa ataatsimiititaliap kissaatigaa, taamaaliornikkut naalakkersuisoqarfinit ukunanga sisamaasunit ilaasortassat soq toqqarneqartassanersut sukumiinerusumik nassuiarneqarsinnaaqullugu:

- 1) Peqqissutsimut Naalakkersuisoqarfik,
- 2) Ilaqtariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfik,
- 3) Aningaasaqarnermut Naalakkersuisoqarfik aamma
- 4) Ilinniartitaanermut, Kultureqarnermut, Ilisimatusarnermut Ilageeqarnermullu.

Allorfimmi siulersuisut pingaarnertut atornerluinnermut katsorsaannermi Naalakkersuisut suleriaasissaanut periusissiatullu anguniagassaannut akisussaasuupput.

Tamatuma saniatigut siulersuisut kommunini namminersorlutillu oqartussani naalakkersuisoqarfiit akornanni suliassaqarfiup iluani suliniutinut susassaqarfillu akimorlugit suleqatigiinnernik ataqatigiissaarinnermik suliqaartussaavoq.

Taamaattumillu ilaatigut pisariaqarpoq qulakkiissallugu siulersuisut suliamut pisariaqartumik aqqissuussaananermullu tunngasumik ilisimasaqarnissaat ilaatigullu aamma pisariaqarpoq susassaqarfiit attuumassuteqartut siulersuisuni sinniissuutitaqarnissaasa qulakkeerneqarnissaa.

Taamaattumik siulersuisut inunnik kommunalbestyrelsinit naalakkersuisoqarfinnillu attuumassuteqartunit toqqarneqarsimasunik inuttaqassapput. Taamaalilluni pisariaqavinnigilaq naalakkersuisoqarfinit kommunalbestyrelsinit atorfeqartunik toqqaasoqarnissaa.

Naalakkersuisoqarfiit taaneqartut siulersuisuni ilaasortassanik toqqaasinnaanerinut tunngavigneqarpoq naalakkersuisoqarfiit taakkuummata atornerluinnermut katsorsaasarnermut attuumassuteqartartut tamatumunngalu peqatigitillugu kommuninik suleqateqartut.

AD 2. Atornerluisuusimasut imaluunniit alkologit sulisimasut Allorfiup siulersuisuini ilaasortanngorsinnaanerat qulakkeerneqarsinnaanera pillugu Peqqissutsimut Naalakkersuisoq siunnersuutissaqarpa, taamaaliornikkut tamakku misilittagaat Allorfik aqutugalugu siammarterneqarsinnaammata?

Siulersuisut pingaarnertut suliassaraat Naalackersuisut periusissiaasa anguniagassaasalu atuutilersinneqarlutik piviusunngortinneqarnissaat qulakkiissallugit.

Tamanna tunngavigalugu katsorsaasartunik siulersuisuni inissisimasoqarnissaa siunniunneqanngilaq.

Kommunalbestyrelsit ataasiakkaat siulersuisunut ilaasortaaitassaminnik namminneq toqqaasinnaatifaammata kommunit nammineerlutik piginnaasat naapertuuttut pingaartissanerlugit periarfissaqarput.

Taassuma saniatigut erseqqissaassutigineqassaaq katsorsaasunik atuisunillu peqataatitsineq pingaaruteqarmat.

Naalackersuisut maluginiarpaat Allorfimmiit neriuutigineqarmat Allorfiup ineriartortitsilluni suliaanut katsorsaasunik peqataatitaqarnissaaq. Tamanna pisinnaavoq soorlu assersuutigalugu oqalliffiusartumik pilersitsinikkut, taakkua Allorfimmut katsorsaanermik suliniummik siunnersuisinnaallutik aammattaq suliamik monitoreriinermut naliliinermillu. Tassani katsorsaasut ilanngunneqarsinnaapput suliarmullu tunngasumut misilittakkat ingerlateqqinneqarsinnaallutik.

Atuisut peqataatinneqarsinnaapput assersuutigalugu pilersaarusionermermi suliarmullu iluarisimaarinninnermik misissuinermermi nalilersuinermilu.

AD 3. Ilisimasat naapertorlugit alkologit ilinniarneq ukiunik marlunnik sivisussuseqartarpoq. Allorfik aqutigalugu neqerooruteqartartussat atonerluinermut katsorsaasut ilinniartitaanerat qanoq sivisutigaa assigiinngissusaanullu suna tunuliaqutaava assigiinngissuserlu ilinniakkatigut tunngaveqarluartut isumaqarfigineqarpa?

Imigassamik atonerluisunik katsorsaasut ilinniarneq (ilinniagaq DAC) ukiup aappaa avillugu imaluunniit qaammatini 16-ni sivisussuseqarpoq tassani atuagarsorneq, suliffimmik misiliineq allaaserinninnermillu ingerlanneqartarluni. Piffissaq tamaat ilinniagaavoq ilinniagaqarnersiutisissutaasinnaasoq tassani piumasaqaataalluni meeqqat atuarfiani misilitsissimanissaq naleqquttumillu sulinermik misilittagaqarsimanissaq.

Atonerluisunik katsorsaasut ilinniagaq Allorfimmit neqeroorutigineqarnikoq atonerluinermik katsorsaasut assigisaanulluunniit sulisooreersunut naatsorsuussaavoq.

Ilinniarneq modulikkaartumik katitigaavoq tallimanik immikkoortartaqarluni nalunaaqutap akunnerini 216-ni atuartitsiviusussanik imaqarluni. Ilinnialernissamut piumasaqaataavoq professionsbachelor-itut ilinniagaqarsimanissaq soorlu assersuutigalugu peqqissaasut, inunnik isumaginnittut, perorsaasut ilinniartitsisutulluunniit.

Peqataasut qaffasissumik atuagarsoreersimasuummata suliffimillu misilittagaqareersuummata ilinniarneq sakkortuvoq qaffasissumillu ilikkagaqarnissamik aqqissuussaalluni. Taamaattumik naatsorsuutigineqarpoq peqataasut ilinniarnep aallartinnerani atuagarsornermut teori-mut tunngasunik ilisimasaqariissasut.

Atonerluisunik katsorsaanermik ilinniarneq tunngaviumik ilinniarnertut isigineqassaaq, ilitsersuisut, meeqqanut minnernut siunnersortitut imaluunniit psykoterapeut-itut ilinniarnermik tapertaqartussaavoq.

Taassuma saniatigut ilinniarneq ataavartumik malittarineqarnermik, ilitsersuineramik ingerlanneqarluni qulakkeerneqassaaq.

Ilinniakkani taakkunani marluusuni assigiinngissut unaavoq ilinniakkap siunertaa kisianni aammalu ilinniartunut piunasaqaatini ilinniagarisimasani misilittagarisimasanilu.


Allorfirmi atorfeqarnissamut piunasaqaatit tassaapput bachelor-itut assigisaanilluunniit ilinniagaqarsimanissaq taamatut qulakkeerniarneqarpoq katsorsaanerup teorimut tunngasunik toqqammaveqarluarnissaa erseqqissumillu iliuuseqarnissaq suliamut tunngasunik ukkassinertalimmik.

Atornerluisunik katsorsaasutut ilinniagaqarsimanerup qulakkiissavaa kikkulluunniit katsorsaanermik suliaqartut suliaqarfimminut tunngasunik ilisimasanik pisariaqartunik suliaqarnermini peqarnissaat.

Tamatuma saniatigut inatsisissatut siunnersuummi ilinniakkat assingusut qaffasinnerusulluunniit Allorfirmi akuerineqarsinnaanerat ammaanneqarpoq.

Inussiarnersumik inuulluaqqusillunga

Med venlig hilsen



Agathe Fontain